

INTERNAŠUNÁLA SÁMI FILBMINSTITUHTTA (ISFII)



INTERNATIONAL SAMI FILM INSTITUTE

1. Internašunála Sámi Filbmainstituhta OS oppalaš ja sierra doarjjanjuolggadusat
2. Juolludusreive oktan šiehtadusain ovddidit oanehis-, guhkes- / dokumentárafilmaprošeavttaid giehtačállošiid
3. Juolludusreive oktan šiehtadusain ovddidit ja buvttadit oanehis-, guhkes- /dokumentárafilmaprošeavttaid

INTERNAŠUNÁLA SÁMI FILBMAINSTITUHTA OS (ISFII) NJUOLGGADUSAT

RUHTADOARJAGIID OPPALAŠ EAVTTUT

1. ISFI DIEĐUT

1.1. Ulbmil

Internašunála Sámi Filbmainstituhta (ISFII) ulbmil lea bisuhit ja ovddidit sámi filbmabuvttadeami. ISFI addá doarjaga vai ovddiduvvojit ja buvttaduvvojit oanehis- ja dokumentárafilmapproševttat ja eara formáhtat mat sámi filbmaovddideamis leat erenoamáš dehálaččat, nugo guhkesfilmmat ja TV-ráiddut.

Doarjja addojuvvo váikkuhan dihtii dihtomielalašvuoda sámi filmmaid hárrái ja nannen dihtii fágamáhtolašvuoda sámi filmmaid birra sihke álbmoga ja filbmabargiid gaskkas. Dán dahkat go čalmmustahttit gelbbolašvuodaloktema ealligovvasuorggi hárrái ja buktit ovdan sámi filmmaid dáiddálašvuoda ovdanbuktinhápmi, nu ahte lassána diđolašvuolta daid birra.

ISFI galgá ovddidit álgoálbmotfilmmaid ja ovttasbarggu iešguđet álgoálbmotfilmbirrasiid gaskkas máilmmis. Sámi filmmaid ovddidanulbmila galgá ge vuosttažettiin oaidnit kultuvrralaš konteavstta vuodul, dan sadjái go sápmelaččaid gullevašvuoda stáhtaide. Sámegeilla lea deháleamos eaktu man ISFI deattuha go árvvoštallá mii sámi filbma lea. Mihttu lea sihkkarastit sámi filbmagehččiide buriid filbmafálaldagaid iežaset gillii, iežaset kultuvrra vuodul.

Sámi filmmaid ovddidanbarggus galget barggut mánáid ja nuoraid ektui vuoruhuvvot ja leat integrerejuvvon oassin ovddideamis.

1.2. Stáhtos ja doaibma

ISFII lea oasussearvi. Ossosiid oamastit Guovdageainnu suohkan ja Sámediggi.

ISFII kanturbáiki lea Guovdageainnu suohkan.

ISFII lea sihke našunála ja internašunála filbmainstituhtta. Filbmainstituhta stivra fuolaha vai ulbmilat ovddiduvvojit mearriduvvon ekonomalaš rámmaid vuodul.

Stivrras leat 5 miellahtu. Finn Márkku fylkkagiela, Guovdageainnu suohkan, Sámi filbmalihttu ja Sámi Filbmafestivála-Vuodđudus välljejit guhtege ovtta miellahtu Stivrii. Stáhta, Sámedikki bokte, nammada stivrajođiheaddji.

1.3. Definišuvnnat

1.3.1 Guhkesfilbma mearkkaša filmma mas čájehanáigi lea unnimusat 72 minuvtta ja mii ráhkaduvvo čájehan várás dábálaš kiinopremieres ja kiinos.

1.3.2 Oanehisfilbma mearkkaša filmma mas čájehanáigi lea vuollel 72 minuvtta ja man leat ráhkadan čájehit kiinos, televišuvnnas ja/dahje eará media bokte.

1.3.3 Televišuvnadokumentára mearkkaša filmma man čájehanáigi lea vuollel 72 minuvtta ja man vuosttažettiin leat ráhkadan čájehan várás televišuvnnas. Televišuvnadrámá mearkkaša filmmaid dahje episodaid ráhkadeapmi dan várás ahte čájehit daid televišuvnnas. Dat sáhttet leat episodat main dáhpáhus loahpahuvo, biddjojuvvon ráidduid mielde, dahje episodat main sisdoallu lea okta oktiigullelaš dáhpáhus, maid leat juohkán episoaide.

2. MAKKÁR DOARJAGAT JA DOARJJA-EAVTTUT

2.1. Doarjja filbmakultuvrralaš álgagiidda , prošeaktaovddideapmái ja buvttadeapmái

ISFI ulbmil lea doarjut sámi filbmaprošeavttaid ja filbmabargiid. Doarjja addojuvvo ná:

- Ovddidit oanehis- ja dokumentárafilmmaid
- Ovddidit guhkesfilmmaid ja TV ráidduid.
- Ovddidit giehtačállošiid ráhkadeami
- Ovddidit sámi filbmabuvttadan fitnodagaid
- Buvttadit oanehis- ja dokumentárafilmmaid
- Ovddidit/lávdadit filmmaid ođđa mediaid bokte
- Dokumenteret árbevirolaš sámi máhtu
- Hospiteret davviriikkalaš/álgoálbmotlaš filbmabuvttademiin
- Gelbbolašvuohtaloktejeaddji filbmadoaimmaid
- ISFI co-buvttadeapmi
- Ovdanahttin ja buvttadan doarjja guhkesfilmmaide ja TV ráidduide

¹

2.2 Giehtačálusdoarjja

2.2.1 ISFII sáhttá doarjut giehtačálusráhkadeami, dasa gullá ieš čállinbargu ja dasto dramaturgalaš veahkki. Giehtačálusdoarjaga ulbmil lea sihkkarastit ahte giehtačálus doallá buoremus vejolaš kvalitehtadási. Viidáset galgá dát addit vuođu dan meannudeapmái maid ISFI dahká go árvvoštallá galgágo juolludit viidáset doarjaga, jus ohcet, filmaprošeavtta ovddideapmái dahje buvttadeapmái ja/dahje filmaprošeavtta investeremii.

2.2 Giehtačálusdoarjaga sáhttá oažžut čáli², instruktevra gii ieš ráhkada giehtačállosa, buvttadeaddji dahje dákkárat joavkun. Jus doarjjaoažžu lea buvttadeaddji, de galgá buktit ovdan iežas šiehtadusa giehtačálusčállin, dađimielde go ISFI bivdá. Doarjjaoažžu galgá duodaštusaid addit das movt doarjjaruhta lea geavahuvvon.

2.3 Jus doarjjaohcama áigumuš lea buvttadit buktaga masa čatnasit vuoigatvuođat, de galgá ohcci, ovdalگو doarjjalohpádusa oažžu, luohttehahtti vugiin duodaštit ahte prošeakta ii rihko earáid vuoigatvuođaid.

2.4 Giehtačálusdoarjja galgá čálalaš hámis ohccojuvvot. Ohcci galgá geavahit ISFII digitálalaš ohcanšemá.

2.5 Giehtačálusdoarjja máksojuvvo dábálaččat beliin maŋjelgo doarjjaoažžu čálalaččat lea dohkkehan doarjjalohpádusa. Nuppi beali ruhtadoarjagis máksá ISFII maŋjel go lea dohkkehan dorjojuvvon prošeavtta.

2.6 Doarjjalohpádus giehtačállosii ii mielddisbuvtte lohpadusa viidáset ruhtadoarjagii ovddidit buvttadeami ja/dahje investerema buvttadeapmái, muhto lea vejolaš maŋgil ohcat doarjaga/investerema seammá prošeaktii.

2.7 Jus ISFII doarju prošeavtta viidáset, de gehččojuvvo juolluduvvon giehtačálusdoarjja oassin dan ollislaš doarjagis maid ii leat geatnegas máksit ruovttoluotta.

2.8 ISFI doarjjalohpádus gusto 6 mánu dan rájes go doarjjalohpádus addojuvvo. Doarjjalohpádus gahčá eret almmá eambo dieđáhusa.

2.9 Giehtačálusdoarjja gáibida ahte vejolaš buvttadeapmi dáhpáhuvvá regiovnnas ISFI njuolggadusaid vuođu. Doarjjajuolludeamis ISFI árvvoštálla makkár lassičuovvumušaid dát doarjja addá filbmasuorgái regiovnnas.

²

forfatter

³

Team av sádanne

3. GÁIBÁDUSAT JA OHCANÁRVVOŠTALLAN

3.1. Oppalaš gáibádusat sutnje gii ohcá

Ohcci lea vuoigadis oažžut ISFI doarjaga go ohcci, oktan su prošeavttain, deavdá sihke oppalaš doarjjaeavttuid ja sierra eavttuid mat gusket ovttaskas prošeavttaide, geahča sierra mildosa. ISFI árvvoštallá prošeavtta oppalaččat prošeavtta dáiddalaš hámi vuodul, nu maid geatnegasvuodaid vuodul maid dát njuolggadusat bidjet.

Doarjjajuolludeapmi gáibida ahte prošeakta ovddida sámi giela ja kultuvrra. Čuovvovaš gáibádusat leat prošeavttaide mat ohcet doarjaga:

- Prošeakta galgá aivve sámegillii hábmejuvvot.
- Prošeavtta guovddáš čoavddadoaimmain galgá leat sámi duogáš/ruohtas, unnimusat guokte guovddáš čoavddadoaibma, jogo buvttadeaddji, rešisevra dahje giehtačálusčáli galgá leat sámegielat.
- Prošeavttas galgá leat sámišlájat fáddá.
- Prošeavttat main ulbmiljoavku leat mánát ja nuorat, vuoruhuvvojit erenoamážit.
- Filbma galgá ráhkaduvvot sámegillii.

ISFI ulbmil ii leat doarjut prošeavttaid sámi sisdoaluin jus ii leat doarvái sámi gullelašvuohka.

ISFI guorahallá oppalaččat konkrehta árvvošteami vuodul deavdágo prošeakta sámi gullelašvuoda gáibádusa.

3.2. Ohcan

ISFI ii gáibit ohcandivvada go ohcama meannudit. Ohcama sáddet elektrovnnalaččat dahje dábálaš poastta mielde.

Elektrovnnalaš ohcama sáddet deike: annelajla@ISFI.as

Poastta mielde ohcama sáddet deike: Internášunála Sámi Filbmainstituhtta OS,
Poastaboksa 203
9521 Guovdageaidnu

Ohcama ja mildosiid galgá sámegillii čállit. ISFI OS sáhtá sierra dáhpáhusain dohkkehit ohcama mii čállojuvvo eará gillii.

Ohcamiid meannudit dađi mielde go bohtet filbmaguovddáži. Ohcama meannudanáigi lea dábálaččat [4-8 vahku].

Go filbmainstituhtta juolluda ruhtadoarjaga, de sádde doarjjaoažžui juolludusreivve oktan doarjjašiehtadusain. Doarjjaoažžu galgá vuolláičállit šiehtadusa ja máhcahit dan filbmainstituhttii.

Go doarjjaoažžu vuolláičállá šiehtadusa, de dan rájes ii sáhte šat menddo olu rievdadit eavttuid maid vuođul doarjja addojuvvui, almmá ahte rievdadeami ovdanbuktá čálalaččat ISFI dohkkeheapmái.

Ohcama berre dábálaččat sáddet ovdalgo prošeakta álggahuvvo.

4. ISFI VUOIGATVUOĐAT

ISFI riekti lea dorjojuvvon prošeavttaid namohallat dain materiálain maid ISFI deaddela ja ISFI neahttasiidduin. Prošeavttaid sáhtta namuhit sihke ISFI doaimmas ja fitnodaga márkanfievrrideamis. ISFI sáhtta prošeavttaide gullii visuála materiála geavahit doaluin maid ieš álggaha dahje doaluin main ISFI oassálastá, jna.

5. II RUOVTTOLUOTTA MÁKSIN

ISFI addin doarjagat njuolggadusaid mielde leat dakkár doarjagat maid doarjjaoažžu ii dárbbas máksit ruovttoluotta, jus fal ii leat rihkkon njuolggadusaid dahje doarjjašiehtadusa maid ISFI lea soahpan doarjjaoažžuin.

6. RIHKKUN

ISFI sáhtta duššindahkat šiehtadusa dallánaga, jus bealit maid vuođul doarjja juolluduvvui dahje doarjjašiehtadus, rivdet dettolaččat, dahje doarjjaoažžu garrasit rihkku iežas geatnegasvuođaid njuolggadusaid dahje doarjjašiehtadusa ektui. ISFI sáhtta dan dilis gáibidit máksit doarjaga ruovttoluotta filbmaguovddáži.

Rihkkuma geažil sáhtta ISFI stivra válljet čađahit čuovvovaš ránggáštusaid

- Bissehit doarjjamávssu doarjjaoažžu eará prošeavttaide
- Mearridit ahte doarjjaoažžus galgá leat karántenaáigi gitta 3 jagi, ja dan áigodagas ii sáhte doarjja juolluduvvot sutnje.

Go doarjaga gáibidit ruovttoluotta máksit, de mearridit reanttu maŋŋánanreantolága vuođul.

⁴

SIERRA DOARJJA-EAVTTUT

1. DOARJJA GIEHTAČÁLLOSA RÁHKADIT

1.1. Doarjjaeavttut

ISFI bargá nu ahte giehtačálusráhkadeami doarjjaortnet galgá boahit buorrin sihke hárvánkeahkes ja hárvánan giehtačálusbargiide geain lea sámi gullevašvuohta, vai addojuvvo vejolašvuohta hábmet giehtačálloso mii bastá gilvalit buvttadanruhtadeamis.

Giehtačálusráhkadeapmi galgá čuovvut ISFI ulbmila njuolggadusaid oppalaš oasi vuodul.

1.2. Gáibádusat giehtačálusráhkadeami doarjjaohcamii

Go ohcá doarjaga giehtačálusráhkadeapmái, de galget čuovvovaš dieđut leat ohcamis:

- Namma
- Adreassa/ Čujuhus
- E-poastačujuhus
- Telefonnummar
- Giehtačálusráhkadeaddji personnummar
- Kontonummar

Mielddusin galgá velá čuovvut

- Synopsis
- Ohcci CV
- Prošeavtta ovdánanplána oktan gárvvístándáhtoniin.

ISFI bivdá duodaštusa mii čilge geasa gullá originála girjjálašvuođa opšovna, jus ISFI ieš ii oamas opšovna.

1.3. Sámi gullevašvuohta

Giehtačálusdoarjaga juolludeapmi gáibida ahte giehtačálusráhkadeaddji lea sámegiela.

Giehtačálusráhkadeaddjis galgá leat sámi gullevašvuohta Norggas, Ruoŋas, Suomas dahje Ruoššas. Eará álgoálbmotprošeavttat, mat leat erenoamáš miellagiddevaččat, sáhttet fáttmastuvvot ISFI doarjjajuolludeami njuolggadusain.

1.4. Doarjjareive

Go ISFI juolluda doarjaga, de sádde doarjjareive oktan šiehtadusain giehtačálusráhkadeaddjái. Reivve mielddusin lea šiehtadus mas čilget doarjjamáksima eavttuid giehtačálloso ráhkadeapmái, opšovniin ja filbmavuoigatvuođa guoskevaš beliide.

1.5. Šiehtadus

Doarjjaoažžu galgá vuolláičállit šiehtadusa maid ISFI lea ráhkadan, vai ISFI sáhttá máksit doarjaga. Doarjjašiehtadusas reguleret earret eará dáid beliid:

- Prošeavtta ovdáneapmi
- Máksu giehtačálusráhkadeapmái
- Buozanvuolta
- Opšovdna
- Filbmavuoigatvuolta

1.6. Doarjaga máksin

Doarjja máksojuvvo ovdánanosiid mielde mat šiehtadusat leat ja čilgejit giehtačállosa ráhkadeami, opšovna ja filbmavuoigatvuoda.

2. DOARJJA BUVTTADIT OANEHIS- JA DOKUMENTÁRAFILMMAID

2.1. Doarjjagáibádusat

Dáinna doarjjaortnegiin, mas juolludit doarjaga ovdánahttit ja buvttadit oanehis- ja dokumentárafilmmaid, bargá ISFI dan ala ahte juolludit doarjaga profešunealla filmbabargiide buvttadit sámegilli filmaprošeavttaid fikšuvnna-, dokumentára- ja animašuvdnafilbma-suorggis fitnodaga geográfalaš guovllus.

ISFI galgá ovttasbuvttadit sorjjakeahces buvttadanfitnodagaiguin ja našuvnnalaš/ internašuvnnalaš filbmaselskáhpiguin dan várás ahte lasihit ja kvalitehtasihkkarastit sámi filmbabuvttadeamiid ja lasihit filmbabuvttadeami Sámis.

2.2. Gáibádusat buvttadandoarjaga ohcamii

Go ohcá buvttadandoarjaga, de galget čuovvovaš dieđut leat ohcamis:

- Duodaštuvvon diehtu ahte ohccis lea ovtaolbmofitnodat dahje earalágan organisašuvdnašládja.
- Buvttadanfitnodaga CV, namat ja CV dán oassálastiin: njunuš buvttadeaddji, giehtačálusčáli ja rešisevra.
- Giehtačálus
- Rešinotáhtta
- Bargoveahka- ja neavttárlistu
- Kalkyla čállojuvvon dohkkehuvvon kalkylašemái
- Ovdánanplána, báddenplána ja vurdojuvvon gergehandáhton dahje premieradáhton
- Márkanstrategiija
- Ruhtadanplána

2.3. Doarjjareive

Go ISFI juolluda doarjaga, de sádde buvttadeaddjái doarjjareivve oktan doarjjašiehtadusain, mas čilge doarjjamáksima eavttuid.

2.4. Šiehtadus

Doarjjaoažžu galgá vuolláičállit šiehtadusa maid ISFI lea ráhkadan, vai ISFI sáhtta máksit doarjaga. Doarjjašiehtadusas regulere čuovvovaš beliid:

- Doarjaga gustovašvuohta
- Sámi gielalaš gullelašvuohta ja oassálastin
- Doarjaga máksin
- Gáibádusat buvttadeaddjái
- Prošeavtta geavaheapmi

- Čájeheapmi ja materiála geigen
- Krediteren
- Loahpalaš dárkkistuvvon rehketoallu
- Šiehtadusa rihkkun

2.5. Doarjaga máksin

Doarjja máksojuvvo osiid mielde doarjjašiehtadusa sisdoalu vuodul.

